

## Հ Ա Շ Վ Ե Տ Վ ՈՒ Թ Յ ՈՒ Ն

### 2021թ. հուլիսի 25-29-ը Իտալիայի Հանրապետություն կատարած գործուղման արդյունքների մասին

#### 1. Անունը, ազգանունը՝

Արման Խոջոյան

#### 2. Զբաղեցրած պաշտոնը՝

ՀՀ էկոնոմիկայի նախարարի տեղակալ

#### 3. Գործուղման վայրը և ժամկետները՝

Իտալիայի Հանրապետություն, ք. Հռոմ, 2021թ. հուլիսի 25-29-ը

#### 4. Հրավիրող կողմը՝

Միացյալ ազգերի կազմակերպության 2021 թվականի Պարենային համակարգերի գազաթնաժողովի քարտուղարություն

#### 5. Գործուղման նպատակը՝

Մասնակցություն Միացյալ ազգերի կազմակերպության 2021 թվականի Պարենային համակարգերի նախագագաթնաժողովին

#### 6. Քննարկված թեմաները՝

Փորձի փոխանակման, փաստերի վերլուծության և հավաքական ջանքերի գործադրման շնորհիվ մշակել պարենային անվտանգության համապարփակ և ընդհանրական ռազմավարություն՝ դիմակայելու այնպիսի գլոբալ մարտահրավերներին, որոնց թվում են՝ կլիմայի փոփոխությունը, անհավասարության աճը, թերսնումն ու սննդային անվտանգությանն առնչվող մի շարք այլ խնդիրներ:

#### 7. Հանդիպումները, ելույթները, բարձրացված կամ քննարկված հարցերը՝

- ՄԱԿ-ի 2021 թվականի Պարենային համակարգերի գազաթնաժողովի շրջանակներում, նախքան նախագագաթնաժողովը, Հայաստանում երկու

աշխատաժողովի անցկացում՝ Հայաստանի գազաթնաժողովի ազգային ղեկավար, Էկոնոմիկայի փոխնախարար Արման Խոջոյանի գլխավորությամբ:

Առաջին աշխատաժողովի ընթացքում տեղի ունեցած քննարկումները նվիրված էին ագրոպարենային արտադրանքի մատակարարման շղթաների դիմացկունությանն և սննդամթերքի անվտանգությանն առնչվող խնդիրներին:

Երկրորդ աշխատաժողովը նվիրված էր անվտանգ սննդի առկայություն ապահովմանը, արդյունավետ հողային ռեֆորմի համար առաջարկվող գործողությունների պլանին, գյուղատնտեսության ոլորտում կրթության և հետազոտության վերափոխմանը, ինչպես նաև հանրային և մասնավոր գործընկերության ամրապնդմանը՝ պարենային համակարգերի վերափոխման և արտահանման խթանման նպատակով:

- Հուլիսի 26-28-ը Հռոմում անցկացվող նախագագաթնաժողովը, որն իր հարկի տակ էր համախմբել աշխարհի ավելի քան 140 երկրների տարբեր դերակատարների, նպատակ էր հետապնդում առավելագույնս օգտագործել պարենային համակարգերի ներուժը՝ ժամանակակից մարտահրավերներին արձագանքելու և դիմակայելու տեսանկյունից:

Նախագագաթնաժողովի ընթացքում տեղի է ունեցել կլոր-սեղան քննարկում՝ նվիրված ազգային և տարածաշրջանային սննդի համակարգերի վերափոխման ուղիների ուսումնասիրմանը: Քննարկման ընթացքում՝ Ա. Խոջոյանը՝ որպես բանախոս, հանդես է եկել ելույթով՝ «Սննդի համակարգերի վերափոխում կայուն զարգացման նպատակներին հասնելու համար. դիմագրավելով մարտահրավերներին» խորագրով: Խոսելով պարենային անվտանգության ոլորտում առկա համընդհանուր մարտահրավերների և վերջիններիս դիմակայելու անհրաժեշտության մասին և վերլուծելով պարենային անվտանգության ոլորտում տարբեր երկրների առջև ծառայած համընդհանուր մարտահրավերները՝ նախարարի տեղակալը կարևորել է հավաքական ջանքերի գործադրման, ընդհանրական միջոցառումների կազմակերպման, փորձի փոխանակման և միասնական ռազմավարության ստեղծման անհրաժեշտությունը՝ խնդրի արմատական լուծման տեսանկյունից:

- Նախագագաթնաժողովի շրջանակներում Արման Խոջոյանը ունեցել է մի քանի այլ ելույթներ՝ ներկայացնելով Հայաստանի սննդի համակարգերի վերափոխման ճանապարհային քարտեզը: Խոսելով Հայաստանի գյուղատնտեսության ոլորտում առավել արդիական մարտահրավերների մասին՝ նախարարի տեղակալը ընդգծել է ջրային ռեսուրսների խնայողության նպատակով ոռոգման ոլորտում բարեփոխումների անհրաժեշտությունը: Անդրադարձ է կատարվել գյուղատնտեսության բնագավառում տնտեսական աճի ապահովման հարցում

մարդկային կապիտալի, մասնագիտական գիտելիքների, որակյալ կրթության և երիտասարդների ներգրավման դերի կարևորությանը: Այս համատեքստում նախարարի տեղակալը կարևորել է վերափոխման ուղիների մշակման հնարավորությունները՝ Հայաստանում աշխատանքի արտադրողականությունը բարձրացնելու ուղղությամբ:

**8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**

Նախագագաթնաժողովի ընթացքում պարբերաբար անց կացվող առցանց հանդիպումների, հանրային ֆորումների ընթացքում բարձրացված խնդիրներն ու դրանց լուծման հնարավոր տարբերակները կամփոփվեն, իսկ անդամ երկրները կուսումնասիրեն ներկայացված լավագույն գաղափարների գործարկման հնարավորությունները:

**9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

**10. Ստորագրությունը, ամսաթիվը՝**

03.08.2021թ.

